

-Pola CIG:

1. José Manuel Caloto Sandamil; DNI nº: 33347070.
2. Pablo Castro Pena; DNI nº: 33348258.

-En representación da empresa:

1. Francisco Roca López; DNI nº: 33851161.
2. Javier Portela López; DNI nº: 35256743.
3. Modesto Vázquez Vilares; DNI nº: 33287691.
4. Luis Castro Besada; DNI nº: 35293016.
5. Gonzalo Machado Domínguez; DNI nº: 34955250.
6. Daniel Noya Miramontes; DNI nº: 33291958.
7. Concepción Breña Casado; DNI nº: 41082549.
8. Ramón Vázquez Lista; DNI nº: 32753769.

4. Dar por iniciadas as negociacións tendentes á consecución dun acordo de convenio colectivo para as fábricas de taboleiro do grupo Finsa en Galicia e como queira que están presentes todos os membros da comisión negociadora, acórdase dar por iniciada a negociación e como resultado desta, ambas as partes acordan a prórroga por un ano de duración do actual convenio colectivo para as fábricas de taboleiro do grupo Finsa en Galicia (DOG do 15-1-2007), e estender a súa vixencia desde o 1 de xaneiro até o 31 de decembro de 2010, co fin de manter a estabilidade do marco de relacións laborais durante o período de vixencia do expediente de regulación temporal de emprego pactado.

O convenio continuará vixente nos seus propios termos, e polo tanto, establécese un incremento salarial do IPC real do ano 2010+1 punto, de conformidade co disposto no artigo 75 do convenio en vigor, e sendo intención de ambas as partes que os traballadores do cadro de persoal non perdan poder adquisitivo no ano 2010 como consecuencia da aplicación da cláusula de regularización de IPC de 2009.

5. De conformidade co disposto no artigo 5 do convenio colectivo citado e obxecto de prórroga da súa vixencia por unha anualidade, a comisión paritaria estará composta polos seguintes membros:

Parte social:

-Por CC.OO.:

1. Esteban Boquete Landeira.
2. Ricardo Figueira Rodríguez.
3. Fernando Guillín Dubra.
4. Rubén Cao Rodríguez.

-Por UGT:

1. Álvaro Lois Fernández.
2. José Otero Casal.
3. Miguel Ángel Fernández López.

-Pola CIG:

1. José Manuel Caloto Sandamil.

En representación da empresa:

1. Francisco Roca López.
2. Javier Portela López.
3. Modesto Vázquez Vilares.
4. Luis Castro Besada.
5. Gonzalo Machado Domínguez.
6. Daniel Noya Miramontes.
7. Concepción Breña Casado.
8. Ramón Vázquez Lista.

Ambas as partes poderán nomear e revogar as persoas designadas, segundo o réxime establecido neste artigo, sen máis trámite que a notificación por escrito dirixida ao secretario da comisión paritaria, quen o porá en coñecemento do presidente.

6. Ambas as partes acordan facultar a Francisco Roca López para que presente esta acta e os seus anexos na Dirección Xeral de Traballo, co fin de que esta lle dea o trámite oportuno, e procedase ao rexistro, o depósito e a publicación, no *Diario Oficial de Galicia*, deste acordo de prórroga do convenio colectivo das fábricas de taboleiro de *Financiera Madera, S.A.* (Finsa) en Galicia.

E en proba de conformidade, ratificando en todos os seus aspectos esta acta, os asistentes asinan no lugar e data arriba indicadas.

AXENCIA DE PROTECCIÓN DA LEGALIDADE URBANÍSTICA

Resolución do 22 de abril de 2010 pola que se ordena a publicación do convenio de adhesión á Axencia de Protección da Legalidade Urbanística do Concello de Vilaboa.

O día 13 de xaneiro de 2010 a axencia e o Concello do Vilaboa asinaron o convenio de adhesión dese concello á Axencia de Protección da Legalidade Urbanística.

De conformidade co establecido no artigo 9.1º dos estatutos da axencia, aprobados polo Decreto 213/2007, do 31 de outubro, dispoño a súa publicación no *Diario Oficial de Galicia*.

Santiago de Compostela, 22 de abril de 2010.

María Martínez Allegue
Directora da Axencia de Protección da Legalidade Urbanística

Convenio de Adhesión á Axencia de Protección da Legalidade Urbanística

En Santiago de Compostela, o trece de xaneiro de dous mil dez.

Interveñen:

Dunha parte, José Luis Poceiro Martínez, alcalde do Concello de Vilaboa, provincia de Pontevedra, en representación do concello, de conformidade co disposto no artigo 61 da Lei 5/1997, do 22 de xullo, de Administración local de Galicia, e no artigo 21 da Lei 7/1985, do 2 de abril, reguladora das bases do réxime local.

E doutra parte, Hipólito Pérez Novo, director da Axencia de Protección da Legalidade Urbanística, en representación do ente público, de conformidade co disposto no artigo 18 dos estatutos aprobados polo Decreto 213/2007, do 31 de outubro.

Expoñen:

1º A Lei 9/2002, do 30 de decembro, de ordenación urbanística e protección do medio rural de Galicia, modificada pola Lei 15/2004, do 29 de decembro, no seu artigo 226, establece que a Axencia de Protección da Legalidade Urbanística é un ente público de natureza consorcial, dotado de personalidade xurídica, patrimonio e orzamento propios e plena autonomía no cumprimento das súas funcións, para o desenvolvemento en común pola Administración autonómica e os municipios que voluntariamente se integren nela das funcións de inspección, restauración da legalidade e sanción en materia de urbanismo e o desempeño de cantas outras competencias lle asignan os seus estatutos.

Asi mesmo, establece que son membros da axencia a Administración autonómica os municipios que voluntariamente se integren nela. A incorporación dos municipios realizarase a través do correspondente convenio de adhesión, que deberá obter a previa aprobación do Pleno da Corporación e do Consello da Xunta de Galicia e será publicado no *Diario Oficial de Galicia*.

Os estatutos da Axencia de Protección da Legalidade Urbanística foron aprobados polo Decreto autonómico 213/2007, do 31 de outubro, e publicados no *Diario Oficial de Galicia* nº 222, do 16 de novembro.

2º O Concello de Vilaboa ten atribuídas competencias en materia de disciplina urbanística, en virtude do disposto no artigo 80 da Lei 5/1997, do 22 de xullo, de Administración local de Galicia, no artigo 25 da Lei 7/1985, do 2 de abril, reguladora das bases do réxime local, e nos artigos 209 e seguintes da Lei 9/2002, do 30 de decembro, de ordenación urbanística e protección do medio rural de Galicia.

A Lei 7/1985, do 2 de abril, reguladora das bases do réxime local, no seu artigo 10, determina que a Administración local e as demais administracións públicas axustarán as súas relacións recíprocas aos

deberes de información mutua, colaboración, coordinación e respecto aos ámbitos competenciais respectivos e que procederá á coordinación das competencias das entidades locais entre si e, especialmente, coas das restantes administracións públicas, cando as actividades ou os servizos locais transcendan o interese propio das correspondentes entidades, incidan ou condicionen relevantemente os das devanditas administracións ou sexan concorrentes ou complementarios dos destas.

O texto refundido das disposicións vixentes en materia de réxime local, aprobado polo Decreto legislativo 781/1986, do 18 de abril, no seu artigo 69, establece que as competencias compartidas ou concorrentes poderán ser exercidas conxuntamente pola Administración do Estado ou da comunidade autónoma e a local, mediante a constitución de entes instrumentais de carácter público ou privado.

3º En virtude do establecido nos artigos 222.2º e 226 da Lei 9/2002, do 30 de decembro, de ordenación urbanística e protección do medio rural de Galicia, a axencia exercerá as competencias que lle sexan delegadas polos concellos consorciados.

Neste senso, o artigo 9 dos estatutos da axencia, aprobados polo Decreto autonómico 213/2007, do 31 de outubro, dispón que a adhesión necesariamente producirá a atribución á axencia das competencias de inspección, supervisión, sanción e restablecemento da legalidade urbanística que correspondan ao municipio integrado voluntariamente na axencia, nos supostos que determinan os artigos 209, 210 e 211 da Lei 9/2002, de ordenación urbanística e protección do medio rural de Galicia, segundo se establece no convenio de adhesión.

4º Este convenio de adhesión obtivo a previa aprobación do Pleno da Corporación municipal de Vilaboa, en sesión celebrada o 29 de xullo de 2009, co voto favorable da maioría absoluta do número legal de membros da corporación, de conformidade co disposto no 226.2º da Lei 9/2002, de ordenación urbanística e protección do medio rural de Galicia, e no artigo 215.3º da Lei 5/1997, do 22 de xullo, de Administración local de Galicia.

Así mesmo, obtivo a aprobación do Consello da Xunta de Galicia, na súa reunión do 30 de decembro de 2009, de conformidade co disposto no artigo 226.2º da Lei 9/2002, de ordenación urbanística e protección do medio rural de Galicia.

Os intervenientes recoñécense mutua capacidade para o outorgamento deste convenio de adhesión, de conformidade coas seguintes

Estipulacións

Primeira.-*Incorporación á axencia.*

O Concello de Vilaboa, provincia de Pontevedra, incorporase e adhírese como membro da Axencia de Protección da Legalidade Urbanística, asumindo os dereitos e obrigas que disto derivan, de conformida-

de co estipulado neste convenio de adhesión e co establecido nos estatutos da axencia, aprobados polo Decreto autonómico 213/2007, do 31 de outubro, e na Lei 9/2002, do 30 de decembro, de ordenación urbanística e protección do medio rural de Galicia.

Segunda.-*Delegación de competencias.*

1. O Concello de Vilaboa delega na Axencia de Protección da Legalidade Urbanística o exercicio das competencias municipais de inspección, supervisión, sanción e restablecemento da legalidade urbanística establecidas nos artigos 209, 210, 211 e 222 da Lei 9/2002, do 30 de decembro, de ordenación urbanística e protección do medio rural de Galicia, en relación coas obras e usos do solo que se executen sen licenza urbanística ou sen axustarse ás súas condicións, sempre que estean situadas nalgunha das seguintes clases de solo:

a) Solo rústico ou non urbanizable en calquera das súas categorías (artigos 15 e 32 e disposición transitoria primeira, punto 1 f), da Lei 9/2002).

b) Solo urbanizable ou apto para urbanizar, mentres non sexa aprobado o correspondente plan parcial ou plan de sectorización (artigo 14 e disposición transitoria primeira, punto 1 d), da Lei 9/2002).

c) E núcleos rurais tradicionais delimitados no planeamento urbanístico municipal (artigo 13 e disposición transitoria primeira, punto 1 e), da Lei 9/2002).

A axencia exercerá efectivamente estas competencias desde o día seguinte ao da publicación do convenio no *Diario Oficial de Galicia*.

2. Nesta delegación de competencias non está incluída a reposición da legalidade nin a potestade sancionadora en relación coas obras completamente terminadas antes da publicación deste convenio, que serán exercidas polo concello.

3. A resolución dos recursos administrativos interpostos contra os actos ditados pola axencia en exercicio de competencias delegadas corresponderalle ao concello.

Para resolver o recurso deberá solicitarse informe da Axencia de Protección da Legalidade Urbanística. Cando se reciba o escrito de interposición de recurso na axencia, esta deberallo remitir ao concello co seu informe e unha copia completa e ordenada do expediente administrativo.

4. A delegación de competencias poderá ser revogada en calquera momento polo Pleno da Corporación, coa maioría exixida no artigo 215.3º da Lei 5/1997, do 22 de xullo, de Administración local de Galicia. A revogación será efectiva unha vez comunicada á dirección da axencia e publicada no *Diario Oficial de Galicia*.

Terceira.-*Contribución ao sostemento da axencia.*

1. O Concello de Vilaboa contribuirá ao sostemento da Axencia de Protección da Legalidade Urbanística coas seguintes achegas económicas:

a) O 50% do produto das multas coercitivas impostas pola axencia para a execución das ordes de reposición da legalidade ditadas no exercicio das competencias delegadas polo concello.

b) E o 50% do importe das sancións impostas pola axencia aos responsables de infraccións urbanísticas, en exercicio das competencias delegadas polo concello.

c) A cantidade de mil cincocentos cincuenta euros (50 euros por 31 núcleos) que será transferida polo concello á conta xeral da axencia antes de enviar ao *Diario Oficial de Galicia* o anuncio de publicación do convenio.

2. O importe das multas coercitivas e das sancións impostas pola axencia en exercicio de competencias delegadas polo concello serán ingresadas polos suxeitos obrigados directamente na conta xeral da axencia. No suposto de que non sexan aboadas en período voluntario, a axencia solicitará da Consellería de Economía e Facenda o seu cobramento pola vía de constrinximento.

Ao finalizar cada exercicio anual, a axencia transferirá ao Concello de Vilaboa unha cantidade equivalente ao 50% dos ingresos percibidos polas sancións impostas en exercicio das competencias delegadas.

Cuarta.-*Obrigas asumidas polo concello.*

O Concello de Vilaboa asume as seguintes obrigas:

a) Prestar a cooperación e asistencia activa que a axencia lle solicite para o eficaz exercicio das súas competencias.

b) Facilitar ao persoal da axencia o acceso inmediato aos expedientes de planeamento, xestión e disciplina urbanística, así como canta información, documentación e axuda material precise para o adecuado cumprimento das súas funcións.

c) Prestar o auxilio da policía local para facilitar as inspeccións, executar as ordes de precintaxe de obras e identificar aos responsables de posibles infraccións.

d) Absterse de outorgar licenzas urbanísticas que impliquen a legalización de obras e usos do solo respecto dos que a axencia teña ordenado a súa demolición, cesamento ou restauración da realidade física alterada.

e) Solicitar informe da axencia previamente á resolución dos recursos administrativos interpostos contra os actos ditados en exercicio das competencias delegadas polo concello.

f) Contribuír ao sostemento económico da axencia nos termos establecidos neste convenio de adhesión.

g) E respectar as estipulacións deste convenio e o establecido nos estatutos da Axencia de Protección da Legalidade Urbanística aprobados polo Decreto autonómico 213/2007, do 31 de outubro.

Quinta.-Programa de incorporación.

A incorporación do concello á axencia será efectiva desde o día seguinte ao de publicación deste convenio no *Diario Oficial de Galicia*.

Os expedientes relativos ás obras en execución nas materias que son obxecto de delegación deberán ser remitidos á Axencia de Protección da Legalidade Urbanística no prazo dun mes desde a data de entrada en vigor deste convenio.

Sexta.-Prazo de vixencia do convenio.

Este convenio entrará en vigor o día seguinte ao da súa publicación no *Diario Oficial de Galicia* e o seu prazo de vixencia será indefinido.

A resolución deste convenio producirase no suposto de que o Concello de Vilaboa perda a condición de membro da axencia por calquera das causas que se establecen no artigo 12 dos estatutos da axencia e cos efectos que o mesmo artigo dispón.

Sétima.-Interpretación do convenio.

As controversias que puidesen xurdir na interpretación deste convenio e a súa aplicación serán resoltas polo Consello Executivo da Axencia, de conformidade co disposto no artigo 10 dos estatutos da Axencia, aprobados polo Decreto 213/2007, do 31 de outubro.

E para que así conste, asinan o presente convenio de adhesión, por duplicado exemplar, no lugar e data arriba indicados.

INSTITUTO GALEGO DE PROMOCIÓN ECONÓMICA

Resolución do 15 de abril de 2010 pola que se lle dá publicidade ao acordo do Consello de Dirección do Instituto Galego de Promoción Económica (Igabe), que aproba as bases reguladoras das axudas do Instituto Galego de Promoción Económica á reorientación e competitividade das pemes galegas, en parte cofinanciadas polo Fondo Europeo de Desenvolvemento Rexional, no marco do Programa Operativo Feder Galicia 2007-2013, e se procede á súa convocatoria en réxime de concorrencia competitiva.

O Consello de Dirección do Igabe, na súa reunión do día 1 de marzo de 2010, acordou por unanimidade

dos membros asistentes aprobar as bases reguladoras das axudas do Igabe á reorientación e competitividade das pemes galegas, facultando o director xeral para a súa convocatoria, aprobación dos créditos e publicación no *Diario Oficial de Galicia*.

Na súa virtude, e de conformidade coas facultades que teño conferidas,

RESOLVO:

Primeiro.

Publicar as bases reguladoras das axudas do Igabe á reorientación e competitividade das pemes galegas en parte cofinanciadas polo Fondo Europeo de Desenvolvemento Rexional no marco do Programa Operativo Feder Galicia 2007-2013, ao 80%, Eixe 1, Tema Prioritario 1.07 no caso dos proxectos do artigo 1.1º.3 destas bases, e ao 70%, Eixe 2, Tema Prioritario 2.09 no caso dos proxectos do artigo 1.1º.4 destas bases; e convocar para 2010 as ditas axudas en réxime de concorrencia competitiva.

Segundo.-Prazo de presentación de solicitudes.

O prazo de presentación de solicitudes será dun mes e comezará o día seguinte ao da publicación desta resolución no *Diario Oficial de Galicia*. No caso de coincidir o primeiro e/ou o último día do prazo en sábado ou día inhábil en Santiago de Compostela, pasarase ao primeiro día hábil seguinte.

Terceiro.-Créditos.

Os créditos dispoñibles para as concesións nesta convocatoria aboaranse con cargo ás seguintes aplicacións orzamentarias e polos seguintes importes:

Partida orzamentaria	Procedemento	Orzamento 2010
02.02-E4/10/03-651700	IG108-Estudios e análise para a toma de medidas específicas	100.000,00 €
02.02-E4/10/03-651700	IG176-Proxectos de titorización de innovación e competitividade nas pemes	200.000,00 €
02.02-E2/10/03-656700	IG103-Proxectos de investimento tecnolóxico das pemes entre 100.000 € e 500.000 € de investimento subvencionable	5.000.000,00 €
02.02-E4/10/01-656700	IG174-Proxectos de mellora dos equipamentos das pemes do sector servizos cun investimento subvencionable superior a 30.000 € e ata 200.000 €	3.000.000,00 €

O director xeral do Igabe poderá ampliar os créditos e modificar as partidas orzamentarias, logo de declaración de dispoñibilidade dos créditos nos termos referidos no artigo 30.2º do Decreto 11/2009, mediante resolución publicada para o efecto.

Cuarto.

O prazo de execución dos proxectos non poderá superar o 30 de setembro de 2010.